



NAALAKKERSUISUT
GOVERNMENT OF GREENLAND

Inatsisartut Sanaartornermut Ataatsimiititaliaannut saqqummiineq

Ukiakkut ataatsimiinneq 2024

Ineqarnermut Attaveqaasersuutinullu Naalakkersuisoq

Ilanngussaq
Bilag



Imm. 43

Attartortumit piginnittumut - 1

”Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut pequssutaata allanngortinneqarnera pillugu Inatsisartut inatsisaat”



NAALAKKERSUISUT
GOVERNMENT OF GREENLAND

Suliniut	Unammillernarteq	Piffissaliussaq
<p>Piffissaq sioqqullugu akiliinissamut malittarisassat, Naatsorsueqqissaartarfiup qaammatinut 12-inut kingullernut atuisunut akinut naleqqersuutinut kingullermik naatsorsuutaanut 1 procentpointimik ilallugit naapertuuttumik ernialerlugit allanngortinneqassapput.</p> <p>Pisortat inissiaataannik tunisinermi, niuerfinni naligitinneqartut naleqqataannik akilersillugit aallaavittut tunisioqartassaaq. Kvadratmeterimut minnerpaamik 7.000 koruuninik akeqartisisoqartassaaq.</p>	<p>Kommunit misigimapput erniarittagaq, akillu qaffakkiartornivisa kingunerisaannik, massakut aaqjiineq maillugu taarsigassarsiarititat nalingat annikinnerusarteq.</p> <p>Naapertuulluurtumik periaaseqarnissaq aallaavigalugu kvadratmeterimut 7.000 koruuninik minnerpaamik akeqartisisoqassasoq siunnersuutigineqarpoq. Sanaartornermi kvadratmeterimut 45.000 koruuninik tikillugit akeqartisisoqarsinnaanera, niuernermilu aki inoqarfinni mikinerusuni appasinnerungaatsiarsinnaanera tamatumani isiginiarneqassaaq.</p> <p>Namminersorlutik Oqartussanit taarsigassarsiat ilaat piginnittut nikinnerini (tunisinermi) akilerneqartarnissaasa qulakkeerneqarneratigut, pisortanit taarsigassarsiat sukkanerusumik ikilisinneqassapput.</p>	<p>Siunnersuut 1. januar 2025-mi atuutilissasoq siunnersuutigine qarpoq.</p>
<p>Pisortani taarsigassarsiani taarsigassarsiat atsiorneqarnerminni angissusiata 15 %-ianik, piginnittut nikinnerini akilisoqartalissaaq.</p>		

Imm. 43

Attartortumit piginnittumut - 1

”Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut pequssutaata allanngortinneqarnera pillugu Inatsisartut inatsisaat”



NAALAKKERSUISUT
GOVERNMENT OF GREENLAND

Suliniut	Unammillernartoq	Piffissaliussaq
Tunisineri akimik maannakkut akikillisaaneq nalinginnaasumik procentinngorlugu akikillisaassutigineqartassaaq. Attartortoersumut tunisineri aki 20 %-imik akikillineqartassaaq. Inoqarfinni illuummik qularnaveeqqusiiiluni taarsigassarsiffiusinnaanngitsuni pisineri aki 30 %-imik akikillineqartassaaq.	Massakkut aaqiineq allaffissornikkut oqimaanneruvoq. Assigiimmik akikillisaasoqartaruni allaffissornikkut oqinnerusaaq. Inuit amerlanerusut, matumani inuusuttut imatut attartortuusimanngitsut ilanngullugit akikillisaavigineqarsinnaanissaannut ilanngaait periarfissaqaqalersitsissapput, taamaalillunilu inissiaq nammineq pigisatut tigusissaa oqinnerulersillugu.	Siunnersuut 1. januar 2025-mi atuutilissasoq siunnersuutigine qarpoq.
Pisortanut qularnaveeqqusiusaqaarluni taarsigassarsineri allagartat, akiitsunullu uppersarsaatit tunisinerni, taarsigassarsianut qularnaveeqqutitut imaluunniit akiligassaqaarfiiit malersornerinut atorineqarsinnaanngillat.	Qularnaveeqqusiusaqaarluni taarsigassarsineri allagartat tammaasat pillugit allaffissornikkut unammillernartinneqarput. Tamanna allaffissornermut oqilisaataassaaq.	

Imm. 43

Attartortumit piginnittumut - 2

”Naminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaata allanngortinneqarnera pillugu Inatsisartut inatsisaat”



NAALAKKERSUISUT
GOVERNMENT OF GREENLAND

Suliniut	Unammillernartog	Piffissaliussaq
Naalakkersuisut, kommunalbestyrelsilu namminneq suliniuteqarnermikkut pisortat inissiaataannik attartortittakkanik, inissiatut nammineq pigisatut allanngortitsinnaanissaannut piginnaatinneqarput.	Ullumikkut aaqqiinermik atuissagaanni, attartortup nammineq suliniuteqarnissaa killeqarpoq. Tamanna attartortut tamarmik nukissaqarfingngilaat. Attartortut, innuttaasullu pisortat inissiaataannik attartortittakkanik pisinissaannut, allannguuteqarnikkut periarfissagissaarnerulissapput.	Siunnersuut 1. januar 2025-mi atuutilissasoq siunnersuutigine qarpoq.
Pigisanik aalaakkaasunik qularnaveeqqusilluni inoqarfinni taarsigassarsitsiviusinnaanngitsuni, pisinermi nalingata 50%-ia tikillugu pisortanit taarsigassarsitinneqarsinnaanissaq periarfissanngortinneqarpoq.	Inoqarfinni mikinerusuni nammineq pigisasamik illusinissami, pigisanik aalaakkaasunik qularnaveeqqusilluni taarsigassarsitinneqarnissaq unammillernarsinnaasarpoq. Inoqarfinni mikinerusuni attartortut aaqqiinermik atuisinnaanerit, aalajangersakkatigut pitsaanerulersinneqarpoq.	
Inuusuttut 30-t ataallugit ukiullit inissianik inissiatut nammineq pigisanngortinneqarsimasunik inoqanngitsunik, tamanullu ammasumik tuniniarneqartunik pisisut, attartortooreersutulli pineqassapput.	Inuusuttut siullermeertumik inissiamik/illumik pisiniaat, pisariaqartumik ileqqaagaqartuaannannginnamik pisiuinaatsitsisinnaasarput. Inuusuttut periarfissaat siunnersuutitigut pitsanngorsarneqarput. Siullermeerlutik inissiamik/illumik pisiniaat niuerfimmut ikiorneqarnissaannik Ineqarneq pillugu aaqjissuusseqqinnerfigut anguniakkap piviusunngortinneqarnissaani, siunnersuut alloriarnertut siullertut isigineqarsinnaavoq.	

Attartortumit piginnittumut aaqqiernermut apeqqutigineqaratarsinnaasut - 1



NAALAKKERSUISUT
GOVERNMENT OF GREENLAND

Apeqquut

Sooq kvadratmeterimut 7000
koruuninik minnerpaamik
akeqartitsisoqarpa?

Akissut

Illoqarfiit anginerusut avataanni inissiat nammineq pigisatut inissianngortinneqartut sanaartorneqarnerini akiusumit niuernermi appasinnerungaatsiartumik naleqarsinnaanerit, minnerpaamik akigittitaqarnermi patsisaavoq.

Inissianik sanaartorneq inuiaqatigiit aningaasaataannik aningaasaaliineruvoq. Aningaasat taakkua ilaat inuiaqatigiinnut utertinneqarnissaat, minnerpaamik akeqartitsinerup qulakkiisavaa. Nunami sumiiffinni allani innuttaasut allat akisoorujussuarmik akiliissasut, innuttaasut ilaat inuiaqatigiit aningaasaataannit akeqanngitsumik inissiarthaassanngimmata/illutaassanngimmata, inuiaqatigiit aningaasaataannik naligiinnerusumik agguasaasoqarnissaanut tapertaanissaq tassani siunertaavoq. Imaappoq, naapertuilluurtumik periaaseqarnissaq pineqarpoq.

Naliliineq tunuliaqutaralugu, Inatsisartullu Aningaasaqarnermut Akileraartarnermullu ataatsimiittialiaata akuersineratigut niuernermi nalinganit akikinnerusunngorlugu, minnerpaamilu akigittassamit akikinninngorlugu inissianik attartortittakkanik allanngortitanik tuniniaasoqarsinnaavoq.

Pisortat inissiaataannik
attartortittakkanik tuniniaaneq,
nammineq illuutillit niuerfiannut
sunniuteqarnerlunnginnissaanut
qanoq tapertaasoqarniarpa?

Inissiamik attartortittakkamik allannguinissaq pillugu aalajangiisoqartinnagu, sumiiffimmi pineqartumi inissiat attartortittakkat tunineqarsinnaassanersut naliiisoqarsimanissaa piunasaqaataavoq.
Taamaattumik tunisinermut atatillugu tamakkiisumut pilersaarusiortoqassasoq erseqqissaatigineqarpoq.

Pisortat tunisinerat inissiat/illut nammineq pigisat niuerfiimmi nalinginut annertuumik sunniuteqarnerlussinnaappat, inissiat attartortittakkat inoqanngitsut tuniniarneqassanngitsut pisortat aalajangersinnaapput.

Attartortumit piginnittumut aaqqinermut apeqqutigineqaratarsinnaasut - 1



NAALAKKERSUISUT
GOVERNMENT OF GREENLAND

Apeqput	Akissut
Inissiat soorliit attartortumit piginnittumut inissiannngortinniarneqarpat imaluunniit piginneqatigiilluni inissiannngortinneqarniarpat, qaqugulu?	<p><i>Namminersorlutik Oqartussat inissiaataannik ikilitsisineq</i> ineqarneq pillugu aaqqissuusseqqinnermi immikkoortuuvoq. Inissiat ikilisinneqarnissaannut tunngavissat pillugit isummernissamut tunngavissiassaq 2024-p naanerani saqummiunneqassaaq, taassumallu kingorna politikikkut isumaqatiginninnirnissaq aallartinneqassalluni.</p> <p>Tassunga tunngatillugu Namminersorlutik Oqartussat inissiaataat sorliit aallarniutigineqarunik pitsaanerunissaa pillugu pilersaarusiortoqassaaq.</p>

Sooq attartortut inissiaq akeqanngitsumik pissanngilaat?

Pisortat inissiaataat attartortittakkat pisortanut naleqarput, innuttaasunullu akeqanngitsumik tunniunneqarunik pisortanit annaasaqarfiussallutik. Tassunga tunngatillugu inissiat akeqanngitsorpassuit inissianik niuerfimmut eqquinerloratarsinnaapput, malitsigisaanik attartortut inissiamik akisuunngorlugu tunisisinnaassammata. Tassunga tunngatillugu inissiamik akeqanngitsumik piginnittut nutaat, inissiaq iluanaaruteqarfigisussanngorlugu inissiaq tunisinnaassavaat. Taamaattoqassappat inissianut/illunut niuerfik eqqornerlunneqassaaq.

Attartortumit piginnittumut aaqqiinermut apeqqutigineqaratarsinnaasut - 2



NAALAKKERSUISUT
GOVERNMENT OF GREENLAND

Apeqquut

Attartortummi inissiamik
attartukkaminnik nammineq
pigisatut tigusinissaminnut
akissaaqanngitsut?

Akissut

Kikkut tamarmik nammineq inissiassaminnik pisisinnaanngillat imaluunniit periarfissaqanngillat. Nammineq inissiassamik pisingginnissaq aningaasatigut, inuttullu patsiseqarsinnaavoq. Piginnittut peqatigiiffiannut inissiamut akiliutissaq piginneqatigiilluni inissiaatiliit peqatigiiffiannut eqqortumik missingersuutaanik, matumani aserfallatsaaliuinissamat, nutarterinissamullu kinguaattoorutinut naatsorsuutigisamik aningaasartuutissanik aallaaveqassaaq. Tamanna tunngavigalugu inissiamik nammineq pigisamik pisisussat ataasiakkaat nammineq akiliutissat, peqatigiiffimmullu akiliutissaq matussusersinnaassanerlugit nalilertariaqarpaat. Innuttaasut sapinngisamik amerlanerpaat inissianik imminnut pilersornissaat ineqarneq pillugu aqqissuusseqqinnermi anguniagaagaluartoq inunnut, ilaqutariinnullu piginneqatigiilluni inissiamik, inissiatut imaluunniit illutut nammineq pigisatut pisinissamat aningaasatigut periarfissaqanngitsunut imaluunniit inuttut patsiseqarlutik piserusunngitsunut pisortat attartortittagaateqarnissaat suli pisariaqartinneqassaaq. Tassunga tunngatilugu piginnittut nutarterinissamat, aserfallatsaaliuinissamullu ataavartumik ataasiartumik akiliuteqartarnissaat pillugu, piginnittut peqatigiiffianni aalajangiisoqarsinnaavoq.

Attartortumit piginnittumut aaqqiinnermut



NAALAKKERSUISUT
GOVERNMENT OF GREENLAND

apequtigineqaratarsinnaasut – 3

Apeqqut

Inissiat isaqqaajaasut
tunissavagut?

INI-p oqaaseqaataaneersoq.

Akissut

Namminersorlutik Oqartussat inissiaataat ilaat ima ajortigimmata inissiat, taamaallillunilu nutarterinissamut akisussaaffik, aningaasartuutissallu attartortumut tunniunneqarunik akisussaaseqarnerunaviannitssoq nalilerneqarpoq. Taamaattumik siunnersuutigineqarpoq, inissiat nutarterneqarnerat ilutigalugu inissiat ataavartumik tunniunneqartassasut.

Namminersorlutik Oqartussat, Kommunillu inissiaataanni attartortikkani attartortut attartukkaminnik siusinnerusumik nammineq pigisatut tigusinissaminnik kisaateqarpata, attartortumit piginnittumut aaqqiineq qinnutigissallugu periarfissaqarput.

Pisassarisaniq piumasaaqartarneq pillugu inatsiseqarnermi malittarisassat nalinginnaasut naapertorlugit pissutsit pingaarutillit tunisisup ilisimasai imaluunniit ilisimasariaqagai, pisisussallu inissiamik pisinissaanut aalajangernissaani aalajangiisuusinnaasut pillugit tunisisoq pisisumut paasissutissiissalluni pisisussaaffeqarpoq. Tamatumani inissiamik piginnittut peqatigiiffiata aningaasaqarnikkut inissisimanera ilaatigut pineqarput.

Inissiat qanoq

nalilerneqassappat, illunillu
tuniniaasartut kikkut
atorneqassappat?

Illunik tuniniaasartup inissiaq nalilissavaa. Tuniniaasup illunik tuniniaasartuq sorleq atornerlugu nammineq aalajangissavaa. Namminersorlutik Oqartussat illunik tuniniaasartumik toqqaanissaanni, inissiaq tuniniarneqarniaruq sumiinnersoq apequtaassaaq. Suliasat nuna akimorlugu agguataarneqarnissaat pingaartinneqassaaq. Illunik tuniniaasartumut aningaasartuutissat tunisinermut ilaatinneqassapput. Inissiap/illup assingi, qanorlu issutsimik nalunaarsuineq tunuliaqutaralugit illu qanoq naleqassanersoq nalilerneqassaaq. Qanoq issutsimik nalunaarsuineq INI A/S-imit suliarineqassaaq.

Attartortumit piginnittumut aaqqiinnermut apeqqutigineqatararsinnaasut – 3



NAALAKKERSUISUT
GOVERNMENT OF GREENLAND

Apeqquut	Akissut
Inissianik inoqanngitsoqassagaluarpat, piginnittut peqatigiiffianut aningaasatigut qanoq kunguneqassava?	Inissianut nammineq pigisanut ataasiakkaanut Naalakkersuisut aamma kommunalbestyrelsit piginnittut peqatigiiffianni piginnittut inississapput, taamaattumillu piginnittut peqatigiiffianut ataavartumik akiliutissat akilerneqarnissaannut akisussaassallutik. Attartortup nuunneratigut inissiaq nammineq pigisaaq inueruppat, piginnittut peqatigiiffianut akiliutissat akilerneqartarnissaannut Naalakkersuisut, Kommunalbestyrelsillu akisussaassapput. Taamaattumik piginnittut peqatigiiffiat eqqarsaatigalugu akiliutissanik annaasaqartoqassanngilaq. Inissianik piginnittut eqqarsaatigalugit – uani Naalakkersuisut kommunalbestyrelsillu iserfitassatigut annaasaqassapput.

INI-p oqaaseqaataaneersoq.
Pisortat inissiaataannut attartortittakkanut ufaqqisut allattorsimaffiannimi allassimasut?

Namminersorlutik Oqartussat inissiaataat tuniniarneqassanersut pillugit Naalakkersuisut nalliinissaanni, inissianut niuernermut sunniutissai, attartugassanillu ujartuineq eqqarsaatigineqassapput.

Taamaakkaluartoq Naalakkersuisut anguniarpaat, innuttaasut sapinngisamik amerlanerpaat namminneq inissiaqassasut/illuteqassasut, inissiatigullu/illutigullu imminnut pilersorsinnaasasut. Namminersorlutik Oqartussat inissiaataannik kilisitsinissaaq, ineqarneq pillugu aaqjissuusseqqinnermi immikkoortutut ilaavoq.

INI-p oqaaseqaataaneersoq.

Attartortumit piginnittumut aaqqiernermut



NAALAKKERSUISUT
GOVERNMENT OF GREENLAND

apequtigineqaratarsinnaasut - 2

Apeqqut	Akissut
Pisortat inissiaataannik attartortittakkanik tunniussinissami/tunisinissami inaarutaasumik anguniagaq suua?	<p>Ineqarnermi unammillernartut iliuuseqarfigineqartariaqartut, politikkikkullu akisusaaffigineqartariaqartut arlaqaaluupput. Attartortumit piginnittumut aaqqiissutip naleqqussarneqarnissaa ineqarneq pillugu aaqqiussusseqqinnermut immikkoortutut ilaavoq. Illuliortiternermut aningaasalersueriaatsinik naleqqussaannermut tunngasup atuutsilersinneqarnissaanut attartortumit piginnittumut aaqqiissut ilaavoq, Namminersorlutik Oqartussallu inissiaataannik ikilitsinissamut immikkoortumut tunngavissilluni.</p> <p>Innuttaasut sapinngisamik amerlanerpaat siunissami inissianik imminnut pilersornissaanut, inissiamillu namminneq piginnittuunissaanut tapersiinissaaq, ineqarneq pillugu aaqqiussusseqqinnerup suliarineqarnerani siunertaavoq. Attartortumit piginnittumut aaqqiissummik allannguinnissamut siunnersuuteqarnermi, anguniakkap taassumap anguneqarnissaanut tapersiinissaaq siunertaavoq.</p>

Attartortumit piginnittumut
aaqqiineq nutaaq,
nutarterinissami pilersaarummut
qanoq atassuteqarpa?

Namminersorlutik Oqartussat inissiaataannik attartortittakkanik nutarterinissami suliniut 'Ataatsimoorluta inissiat peqqiissuutitsigit', ineqarneq pillugu aaqqiussusseqqinnermut immikkoortutut aamma ilaavoq, taamaattumillu immikkoortunut allanut atatillugu isigineqassalluni, matumani Namminersorlutik Oqartussat inissiaataannik ikilitsinissaaq aamma attartortumit piginnittumut aaqqiissummik naleqqussaannissaaq ilanngullugit. Inissiat ikilisinneqarnissaanut tunngavissaasussat aamma politikkikkut isumaqatigiissutissaaq tunuliaqutaralugit, Namminersorlutik Oqartussat inissiaataat attartortittakkat sorliit allanngortinneqassanersut pillugit erseqqissummik pilersaarusiortoqassaaq.

”Illulioriternernut aningaasalersuineq pillugu Inatsisartut inatsisaata allangortinneqarnera pillugu Inatsisartut inatsisaat”



Suliniut	Unammillernartooq	Piffissaliussaq
<p>Piffissaq siqqullugu akiliinissamut mallittarisassat, Naatsorsueqqissaartarfiup qaammatinut 12-inut kingullernut atuisunut akinut naleqqersuutininut kingullermik naatsorsuutaanut 1 procentpointimik ilallugit naapertuuttumik ernialerlugit allangortinneqassapput.</p>	<p>Kommunit misigisimapput erniaritittagaq, akillu qaffakkiartorniviisa kingunerisaannik, massakkut aaqjiineq malillugu taarsigassarsiarititat nalingat annikinnerusartooq.</p>	<p>Siunnersuut 1. januar 2025-mi atuutilissasoq siunnersuutigine qarpoq.</p>
<p>Illu, illulioriternernut aningaasalersuinissamut taarsigassarsitsiviusimasooq piginnittumit, taassumallu inoqutaanit imaluunniit attartortuusinnaasumit taamaallaat najugaqarfittut atorineqassasoq ersarissarneqarpoq.</p>	<p>Naalakkersuisoqarfiup Kommuneqarfik Sermersuumik nakkutilliinerata kingunerisaannik uppersarneqarsinnaavoq, inissiat ilaat illulioriternernut aningaasalersuinissamut taarsigassarsitsiviusimasut najugaqarfittut atorineqaratik siunertanut allanut atorineqartut. Tamanna pillugu inissianik pilersuinerup annertusineqarnissaanut inuiaqatigiit aningaasaliissutaat, inissianut atorineqarsinnaasunut annertusaqaqataannissaat qulakkeerumallugu inatsit ersarissassallugu pisariaqarsorineqarsimavoq.</p>	
<p>Sanaartukkanut naatsorsuutit siunissami taamaallaat kukkurnersuisartumit nalunaarsorneqartumit imaluunniit naalagaaffimmit akuerisaasumit imaluunniit Kalaallit Nunaanni aningaaserivimmit uppersarneqartartussaammata erseqqissarneqarpoq.</p>	<p>Massakkut aaqjiineq naapertorlugu, sanaartornermut naatsorsuutimik kina uppersarsaasinnaasersooq aalajangersagaqanngilaq. Taamaattumik sanaartornermi naatsorsuutit suliarineqarnerinut atatillugu, assersuutigalugu sanatitsisup, sanaartugassanillu suliakkerneqartartut akornanni soqutigisat assigiissinnaasarlutik.</p>	

”Illulioriternernut anigaasalersuineq pillugu Inatsisartut inatsisaata allanngortinneqarnera pillugu Inatsisartut inatsisaat”



Suliniut	Unammillernartooq	Piffissaliussaq
<p>Taarsigassarsiaareersut allanngortinnissaannut imaluunniit illuut pillugu tulleriinnerit allanngortinnissaannut, tassungalu ilanngullugu illup ilaa akitsooqarfiummigitsoq qularnaveeqqusiullugu taarsigassarsinermut atatillugu pisortanit taarsigassarsisisisoq taarsigassarsiaareersunut ataqiinninnermut uppernarsaanissaanut piginnaatinneqarpoq.</p>	<p>Massakkut aaqqiineq malillugu pisortat illumut taarsigassarsiarititaannut qularnaveeqqusiussittikkut qulakkeerinera qulakkeerneqanngilaq, innuttaasullu illuminnut taarsigassarsiaminnik pitsaanerulersitsinissaminnut, naleqqussaanaissaminnullu unammillernartitsinnaasarlutik.</p>	<p>Siunnersuut 1. januar 2025-mi atuutilissasoq siunnersuutigine qarpoq.</p>
<p>Sanaartugassanik suliassinneqartartup suliarisimasaminut, atortussanillu tunniussisimanerminut naatsorsuinerata tunuliaqutaralugu iluarsartuussinissamut, pitsanngorsaanaissamut imaluunniit illunik pioreersunik alliiimissamut taarsigassarsisissutinik kommunalbestyrelsi ataavartumik akiliinissaanut piginnaatinneqarpoq.</p>	<p>Kommunit paasissutissiissutigaaq, pingaartumik inoqarfinni mikinerni nutartigassanik suliartaqartartillugu suliata naammassinerinit akilernerqarnissap tungaanut piffissaq sivisunnaasarmat, nutartigassanik suliagarusuttunik sanaartugassanik suliassinneqartartunik nassaarnissaq ajornakusoorsinnaasartooq. Suliassat suliarineqarnerisa nalaani sanaartugassanik suliassinneqartartunut aningaasat ilaannik qulakkeerinnissaq aalajangersakkatigut matumuunakkut siunertaavoq, taamaaliornikkut sanaartugassanik suliassinneqartartut mikinerusut suliassanik tiguisinnaanissaat ajornanninnerulersikkumallugu. Inoqarfiit anginerusut avataanni innuttaasut aaqqiinermik atuisinnaanerinit tamanna pitsanngorsaataaassaaq.</p>	

Imm. 44

Illulortiternernut

anigaasalersuineq – 2

”Illulortiternernut anigaasalersuineq pillugu Inatsisartut inatsisaata allangortinneqarnera pillugu Inatsisartut inatsisaat”



NAALAKKERSUISUT
GOVERNMENT OF GREENLAND

Suliniut	Unammillernartog	Piffissaliussaq
Pisortanut qularnaveeqquissaaqarluni taarsigassarsinermi allagartat, akiitsunullu uppersaatiit tunisinerni, taarsigassarsianut qularnaveeqqutitut imaluunniit akiligassaaqarfiit malersornerinut atorneqarsinnaanngillat.	Qularnaveeqquissaaqarluni taarsigassarsinermi allagartat tammasaat pillugit allaffissornikkut unammillernartinneqarput. Tamanna allaffissornermut oqilisaataassaaq.	Siunnersuut 1. januar 2025-mi atuutilissasoq siunnersuutigine qarpoq.

Illulioriternernut aningaasalersueriaatsimut apeqqutigineqaratarsinnaasut



NAALAKKERSUISUT
GOVERNMENT OF GREENLAND

Apeqquut

Ataavartumik akiliinerit
allaffissornerulernermik
kinguneqassappat?

Nalilersuinerimut atatillugu kommunit oqaatigaat, sanaartugassanik suliassinneqartartut mikinerusut nutarterinissami suliassanik tigusinissaat unammillermarsinnaasartooq, tamannalu aaqjiinermik atuinissamut killiiliisartooq. Unammillernartooq taanna iliuuseqarfiginiarlugu kommunit ataavartumik akiliinnaanissaannut piginnaatinneqarput. Kommunit ataavartumik akiliuteqarnissaminnut pisussaaffeqanngillat. Taamaattumik ataavartumik akiliisarnemut atatillugu allaffissornikkut suliassaq suliarissanerlugu, kommunit namminneerlutik aalajangerlassavaat.

Taarsigassarsiat tamakkerlugit
akilerinissaannut allannguinooq,
taarsigassarsiat ikinnerusut
tamakkerlugit
akilerneqarnissaannik
kinguneqassava?

Erniat ineriartorneranut nallersuullugu atuisunut akigititamut naleqqersuutip ineriartornera apeqquataassaaq.

Air bnb aqquqigalugu
inissiarisaaq
attartortinneqarsinnaava?

Siunnersuutip kingunerisaanik piginnittup imaluunniit attartortup illu najugaqarfissatuinnaaq atorsinnaassavaa, ilutigisaanillu illumu aalajangersimasumik najugaqartutut inuit allattersimaffianni allassimassalluni. Attartortumut inimik najugaqarfissatut attartortitsineq, attartortullu aalajangersimasumik najugaqarnissaa siunnersuutip sinaakkutaasa iluini pisinnaavoq. Inissiaq piginnittumit, taassumallu inoqutaanit imaluunniit attartortumit, taassumallu inoqutaanit najugaqarfiunngitsumik siunertanut allanut, soorlu unnuiffiullunilu ullaakkorsiorartittut, airbnb-lu aqquqigalugu sivikitsumik attartortittakkatut siunertanut allanut atornerqarpat tamanna piginnittumit, taassumallu inoqutaanit imaluunniit attartortumit, taassumallu inoqutaanit aalajangersimasumik najugaqarfittut atornerqartutut isigineqassanngilaq.

Illumit suliffeqarfimmik
mikisumik suli
ingerlatsisoqarsinnaava?

Illumi pisortanit taarsigassarsitsiviusimasumi imaluunniit tapiiffigineqarsimasumi najugaqarfimmit suliffeqarfimmik mikinerusumik ingerlatsisinnaaneq, ilup najugaqarfittut atornerqarnissaa pillugu pingaarnerut malittarisassamik sanioqutitsineruvoq. Assersuutigalugu angerlarsimaffimmi meeqqanik paarsisarnermi, isigalerisarnermilu sullissisoqarsinnaanera nassuiaatini periarfissiissutigineqarpoq.

Piginneqatigiilluni inissiat – 1

”Piginneqatigiilluni inissiat pillugit Inatsisartut inatsisaata allanngortinneqarnera pillugu Inatsisartut inatsisaat”



Suliniut	Unammillernartuq	Piffissaliussaq
<p>Sanaartukkanut naatsorsuutit siunissami taamaallaat kukkuneruisartumit nalunaarsorneqartumit imaluunniit naalagaaffimmit akuerisaasumit imaluunniit Kalaallit Nunaanni aningaaserivimmit uppernarsarneqartartussaammata erseqqissarneqarpoq.</p>	<p>Massakkut aaqjiineq naapertorlugu, sanaartormermut naatsorsuutini kina uppernarsaasinnaersooq aalajangersagaqanngilaq. Taamaattumik sanaartormermi naatsorsuutit suliarineqarnerinut atatillugu, assersuutigalugu sanatitsisup, sanaartugassanillu suliakkerneqartartut akornanni soqutigisat assigiissinnaasarlutik.</p>	<p>Siunnersuut 1. januar 2025-mi atuutilissasoq siunnersuutigine qarpoq.</p>
<p>Pisortanut qularnaveeqqusiussaqarluni taarsigassarsinermi allagartat, akiitsunullu uppernarsaatit tunisinermi, taarsigassarsianut qularnaveeqqutit imaluunniit akiligassaqarfiit malersornerinut atorneqarsinnaanngillat.</p>	<p>Qularnaveeqqusiussaqarluni taarsigassarsinermi allagartat tammaasat pillugit allaffissornikkut unammillernartinneqarput. Tamanna allaffissormermut oqilisaataasaaq.</p>	
<p>Illuutip attartortittakkap piginneqatigiilluni inissiaatileqatigiiffimmut tunniunneqarnissaani pisinermi akigitinneqartussamik, piumasaqaatinillu allanik Naalakkersuisut aamma Kommunalbestyrelsi aalajangersaasinnaapput. Illuutip niuernerminalinga malillugu tunniunneqassaaq, minnerpaamilli inissiap arealia ilanngarnagu m²-imut 7.000 koruuninut. Niuernerminalinga minnerpaamik akigititassamit minneruppat, pisumik naliiniikkut akikinnerusumik tunisisoqarsinnaavoq.</p>	<p>Inoqarfinni mikinermi pisortat inissiaataasa attartortittakkat pisiarineqarnissaannut atatillugu aaqjiineq massakkut iluanaarnarpallaarpoq. Inoqarfinni mikinerusuni sanaartormermi aningaasartuutit, niuernerminalinganit qaffasinnerukkajuttarput, taamaalillunilu tunisinermi pisortat annertuumik naliinnik annaasaqassagaluarlutik. Tassunga atatillugu naapertuilluartumik periaaseqarnissaq aamma pineqarpoq.</p>	

Pigineqatigiilluni inissiat – 2

”Pigineqatigiilluni inissiat pillugit Inatsisartut inatsisaata allanngortinneqarnera pillugu Inatsisartut inatsisaat”



Sulliniut	Unammillernartooq	Piffissaliussaq
<p>Inissiaq illup iluani tummeraqarsimassappat pigineqatigiilluni inissiap annertussutsimigut qanoq naatsorsuiffigineqarsinnaanera ersarissarneqarpoq.</p>	<p>Massakkut aaqqiinermik allaffissornermut atatillugu tamanna ajornartorsiutigineqartarpoq.</p>	<p>Siunnersuut 1. januar 2025-mi atuutilissasoq siunnersuutigine qarpoq.</p>
<p>Pigineqatigiilluni inissiap najugaqarfigineqarsinnaanerata saniatigut inissiaq siunertanut allanut atorneqaqqusaanngitsoq ersarissarneqarpoq. Pigineqatigiilluni inissiap najugaqarfigineqarsinnaanerata saniatigut inissiaq siunertanut allanut atorneqaruni, tamanna inatsisip atuuffianut aamma Naalakkersuisut aamma kommunalbestyrelsi pigineqatigiilluni inissiaatileqatigiinnut taarsigassarsitsinissaannut tunngavissarititaasumut naapertuutissanngilaq.</p>	<p>Naalakkersuisoqarfiup Kommuneqarfik Sermersuumik nakkutilliinerata kingunerisaanik uppernarsarneqarsinnaavoq, inissiat ilaat illuliortiternernut aningaasalersuinissamut taarsigassarsitsiviusimasut najugaqarfittut atorneqaralik siunertanut allanut atorneqartut. Tamanna pillugu inissianik pilersuinerup annertusineqarnissaanut inuiaqatigiit aningaasaliissutaat, inissianut atorneqarsinnaasunut annertusaaqataanissaat qulakkeerumallugu pigineqatigiilluni inatsisip ersarissarneqarnissaa siunnersuutigissallugu pisariaqarsorineqarsimavoq.</p>	
<p>Attartoorersut akuersittittariaqarnagit, inissiat attartortikkat pioreersut pigineqatigiilluni inissianut allanngortinnissaannut Naalakkersuisut kommunalbestyrelsillu piginnaatinneqarput.</p>	<p>Ullumikkut aaqqiinermik atuisagaanni, attartortup nammineq suliniuteqarnissaa killeqarpoq. Attartortut ilaannut tamanna unammillernarsinnaavoq. Pigineqatigiilluni inissiaatileqatigiiffimmik pilersitsineq siunnersuuteqarnikkut Naalakkersuisut, Kommunalbestyrelsillu isumagissavaat, taamaalillunilu pigineqatigiilluni inissiamik pisinissaq pillugu aalajangiinissaq innuttaasunut ataasiakkaanut paasiuiminartunngortillugulu iliuseqarfigineqarsinnaanngortillugu.</p>	

Piginneqatigiilluni inissianut aaqqiissummut apeqqutigineqaratarsinnaasut - 1



NAALAKKERSUISUT
GOVERNMENT OF GREENLAND

Apeqquut	Akissut
<p>Attartortooreersut itigartissinnaanngikkaanni, pilersitsinermut atatillugu nammineq akiliutinut naapertuutinnngitsumik tunisisoqaratarsinnaanerani nunap karsianut kingunissai?</p>	<p>Pisortat inissiaataat attartortittakkat qanoq amerlatigisut piginneqatigiilluni inissianngortinneqarnissaat pillugu politikkikkut ataavartumik isummerfigineqartassaaq.</p> <p>Piginneqataassutsinik tunisinermi pisinermi nalingata aalajangersarneqarnissaa pillugu aalajangersagaq ilanngunneqarpoq. Pisinermi nalinga minnerpaamik nammineq akiliutit naligissavaa. Piginneqatigiilluni inissiaatieqatigiiffiup piginneqatigiilluni inissianik tigusineranit qaammatinik aqqaneq-marluunniit kingusinnerusumik tunisinermi, nammineq akiliutit 20 %-ii tikillugit akikillisoqarsinnaavoq.</p>
<p>Naminersorlutik Oqartussat piginneqataassutsinik tunisinermi peqatigiiffimmi amerlanerussuteqartoqannginerani nunap karsianut kingunissai?</p>	<p>Naalakkersuisut imaluunniit kommunalbestyrelsi piginneqatigiilluni inissiaatilit peqatigiiffianni amerlanerussuteqarlutik piginneqataassuteqartillugit piginneqatigiilluni inissiaatilit peqatigiiffianni aalajangiisut inissisimassapput. Piginneqataassutsit affai sinnerlugit tunisinermi Naalakkersuisut imaluunniit kommunalbestyrelsip aalajangiisut inissisimanertik annaassavaat.</p> <p>Piginneqatigiilluni inissianut nalinginnaasumik ileqqoreqqusani aalajangerneqarpoq, nutaamik akiliuteqarnissamik aamma pitsanngorsagassanik aallartisoqarnissaanik siunnersuuteqartoqartillugu imaluunniit iluarsagassat aningaasalersorneqarnissaanni inissiamut akiliutit 25 %-it sinnerlugit qaffannissaannik kingunilimmik iluarsagassaqarpat amerlanerussuteqartunit akuerineqartariaqarpoq. Inuit piginneqataassusillit imminnut imaluunniit pisortat piginneqataassutsinik piginnittut imminnut inissianut akiliutit annertuumik qaffannissaannik suliniutinik ingerlatsinnaassanngitsut imaluunniit ingerlatserusussanngitsut nallerneqarpoq, nutarterinissamilli suliniutissani taamaaleratarsinnaavoq.</p>
<p>Pisortat inissiaataannik attartortittakkanik tunisineq, illunik tuniaaneranut sunniuteqarnerlunnginnissaanut qanoq tapersiisoqarsinnaava?</p>	<p>Inissiamik attartortittakkamik allannguinnissaaq pillugu aalajangiisoqartinnagu, sumiiffimmi pineqartumi piginneqatigiilluni inissiat tunineqarsinnaassanersut nalliisoqarsimanissaa piumasaqaataavoq.</p> <p>Pisortat tunisinerat inissiat/illut nammineq pigisat niuerfimmi nalinginut annertuumik sunniuteqarnerlussinnaappat, piginneqatigiilluni inissiat inoqanngitsut tuniarneqassanngitsut pisortat aalajangersinnaapput.</p>

Piginneqatigiilluni inissianut aaqqiissummut

apequtigineqaratarsinnaasut - 2



NAALAKKERSUISUT
GOVERNMENT OF GREENLAND

Apeqqut	Akissut
Inissiat isaqqaajasut tunissavagut?	<p>Namminersorlutik Qartussat inissiaataat ilaat ima ajortigimmata inissiat, taamaalillunilu nutarterinissamut akisussaaffik, aningaasartuutissallu attartortumut tunniunneqarunik akisussaassuseqarnerunaviangiitsoq nalilernerqarpoq. Taamaattumik siunnersuutigineqarpoq, inissiat nutarterneqarnerat ilutigalugu inissiat ataavartumik tunniunneqartassasut.</p> <p>Piginneqatigiilluni inissiaatileqatigiiffimmut inissiamut akiliutissaq piginneqatigiilluni inissiaatileqatigiiffiup eqqortumik missingersuutaanik, matumani aserfallatsaaliuinissamut, nutarterinissamullu kinguaattoorutinut naatsorsuutigisamik aningaasartuutissanik aallaaveqassaaq. Tamanna tunngavigalugu piginneqatigiilluni inissiamik nammineq pigisamik pisisussat ataasiakkaat nammineq akiliutissat, piginneqatigiillunilu inissiaatiliit peqatigiiffannut akiliutissaq matussusersinnaassanerlugit nalilertariaqarpaat.</p> <p>Pisassarisanik piumasaaqartarnek pillugu inatiseqarnermi malittarisassat nalinginnaasut naapertorlugit pissutsit pingaarutillit tunisisup ilisimasai imaluunniit ilisimasariaqagai, pisisussallu inissiamik pisinissaanut aalajangernissaani aalajangiisuusinnaasut pillugit tunisisoq pisisumut paaissutissiissalluni pisussaaffeqarpoq. Tamatumani piginneqatigiilluni inissiaatileqatigiiffiup aningaasaqarnikkut inissisimanera ilaatigut pineqarput.</p>
Illuutit soorlit attartortumit piginnittumut imaluunniit piginneqatigiinnut allanngortinneqassappat, qaqugulu?	<p><i>Namminersorlutik Qartussat inissiaataannik ikilisisineq</i> ineqarnek pillugu aaqjissuusseqqinnermi immikkoortuuvoq. Inissiat ikilisinneqarnissaannut tunngavissat pillugit isummernissamut tunngavissiassaq 2024-p naanerani saqqummiunneqassaaq, taassumallu kingorna politikikkut isumaqatiginninniarnissaq aallartinneqassalluni.</p> <p>Tassunga tunngatillugu Namminersorlutik Qartussat inissiaataat soorlit aallarniutigineqarunik piitsaanerunissaa pillugu pilersaarusiortoqassaaq.</p>

Piginneqatigiilluni inissianut aaqqiissummut apeqqutigineqaratarsinnaasut - 2



NAALAKKERSUISUT
GOVERNMENT OF GREENLAND

Apeqquut	Akissut
<p>Inissianik inoqanngitsoqassagaluarpat, piginneqatigiilluni inissiaatileqatigiiffimmut aningaasatigut qanoq kunguneqassava?</p> <p>INI-p oqaaseqaataaneersoq.</p>	<p>Piginneqataassutsinut ataasiakkaanut Naalakkersuisut aamma kommunalbestyrelsit piginneqatigiilluni inissiaatileqatigiiffimmi piginnittutut inississapput, taamaattumillu piginneqatigiilluni inissiaatileqatigiiffimmut ataavartumik akiliutissat akilernerqarnissaannut akisussaassallutik. Attartortup nuunneratigut piginneqataassutigineqartoq inueruppat, piginneqatigiilluni inissiaatileqatigiiffimmut akiliutissat akilernerqartarnissaannut Naalakkersuisut, Kommunalbestyrelsilu akisussaassapput. Taamaattumik piginneqatigiilluni inissiaatileqatigiiffik eqqarsaatigalugu akiliutissanik annaasaqartoqassanngilaq. Inissianik piginnittut eqqarsaatigalugit – uani Naalakkersuisut kommunalbestyrelsilu isertitassatigut annaasaqassapput.</p>

Piginneqatigiilluni inissianut aaqjiissummut

apequtigineqaratarsinnaasut – 3



NAALAKKERSUISUT
GOVERNMENT OF GREENLAND

Apeqqut	Akissut
<p>Pisortat inissiaataannik attartortittakkanik tunniussinissami/tunisinissami inaarutaasumik anguniagaq suua?</p>	<p>Ineqarnermi unammillernartut iliuuseqarfigneqartariaqartut, politikikkullu akisussaaffigneqartariaqartut arlaqaaluppuput. Piginneqatigiilluni inissianut aaqjiissutip naleqqussarneqarnissaa ineqarneq pillugu aaqjissuusseqqinnermut immikkoortutut ilaavoq. Illulioriternernut aningaasalersuerialaatsinik naleqqussaanermt tunngasup atuutsilersinneqarnissaanut piginneqatigiilluni inissianut aaqjiissut ilaavoq, Namminersorlutik Oqartussallu inissiaataannik kilisitsinissamut immikkoortumut tunngavissiiilluni.</p> <p>Innuttaasut sapinngisamik amerlanerpaat siunissami inissianik imminnut pilersornissaannut, inissiamillu namminneq piginnittuunissaannut tapersiinissaq, ineqarneq pillugu aaqjissuusseqqinnerup suliarineqarnerani siunertaavoq. Allannguinissamut siunnersuuteqarnermi, anguniakkap taassumap anguneqarnissaanut tapersiinissaq siunertaavoq.</p>

Piginneqatigiilluni inissianut aaqjiineq nutaaq, nutarterinissami pilersaarummut qanoq atassuteqarpa?

Namminersorlutik Oqartussat inissiaataannik attartortittakkanik nutarterinissami suliniut 'Ataatsimoorluta inissiat peqqissuutitsigit', ineqarneq pillugu aaqjissuusseqqinnermut immikkoortutut aamma ilaavoq, taamaattumillu immikkoortunut allanut atatillugu isigineqassalluni, matumani Namminersorlutik Oqartussat inissiaataannik ikilisitsinissaq aamma piginneqatigiilluni inissianut aaqjiissummik naleqqussaanissaq ilanngullugit. inissiat ikilisinneqarnissaannut tunngavissaasussat aamma politikikkikut isumaqatigiissutissaq tunuliaqutaralugit, Namminersorlutik Oqartussat inissiaataat attartortittakkat sorliit allanngortinneqassanersut pillugit erseqqissumik pilersaarusiortoqassaaq.

Piginneqatigiilluni inissianut aaqqiissummut apeqqutigineqaratarsinnaasut – 3



NAALAKKERSUISUT
GOVERNMENT OF GREENLAND

Apeqquut

Attartortummi inissiamik
attartukkaminnik piginneqatigiilluni
inissiatut tigusinissaminnut
akissaqanngitsut?

Akissut

Kikkut tamarmik nammineq inissiassaminnik pisisinnaanngillat imaluunniit periarfissaqanngillat. Nammineq inissiassamik pisinginnissaq aningaasatigut, inuttullu patsiseqarsinnaavoq. Piginneqatigiilluni inissiaatileqatigiiffimmut inissiamut akiliutissaq piginneqatigiilluni inissiaatiliit peqatigiiffiannut eqqortumik missingersuutaanik, matumani aserfallatsaaliuinissamut, nutarterinissamullu kinguaattoorutinut naatsorsuutigisamik aningaasartuutissanik aallaaveqassaaq. Tamanna tunngavigalugu piginneqatigiilluni inissiamik nammineq pigisamik pisisussat ataasiakkaat nammineq akiliutissat, piginneqatigiillunilu inissiaatiliit peqatigiiffiannut akiliutissaq matussusersinnaassanerlugit nailertariaqarpaat. Innuttaasut sapinngisamik amerlanerpaat inissianik imminnut pilersornissaat ineqarneq pilugu aqqissuusseqqinnermi anguniagaagaluartoq inunnut, ilaqtariinnullu piginneqatigiilluni inissiamik, inissiatut imaluunniit illutut nammineq pigisatut pisinissamut aningaasatigut periarfissaqanngitsunut imaluunniit inuttut patsiseqarlutik piserusunngitsunut pisortat attartortittagaateqarnissaat suli pisariaqartinneqassaaq.

Allanguutissatut siunnersuutitut nalinginnaasumik apeqqutigineqaratarsinnaasut



NAALAKKERSUISUT
GOVERNMENT OF GREENLAND

Apeqquut

Sooq siunnersuutit piaartumik
akuersissutigineqassappat?

Akissut

Inatsissatut siunnersuuteqarnermi nalinginnaasumik suleriaaseq siunnersuutini malinneqarpoq, matumani tusarniaanermi nalinginnaasumik piffissarititaasoq ilanngullugu.

Taassumap saniatigut annertuumik suliareqqaaqaallutik *Ineqarnermut aningaasalersueriaatsinik nalilersuineq - immikkoortoq 1* aamma 2 kiisalu ineqarneq pillugu aqqissuusseqqinneq pillugu partiit immersueqataaerat tunuliaqutaralugit siunnersuutit suliarineqarput.

Illulioriternernut aningaasalersuineq – aningaasat akilernerqartussat naatsorsorneqarnerat



NAALAKKERSUISUT
GOVERNMENT OF GREENLAND

**Illulioriternernut aningaasalersuineq
pillugu Inatsisartut inatsisaat
maannakkut atuuttoq**

Assersuut:
500.000 kr.-inik taarsigassarsiat 2014-imi
tunniunneqarput, piffissami ernialersuiffiuanilu
akilersuiffiusaangitsumi ukiut 10-t sinnerupput,
ulloq 14. oktober 2024 naatsorsorneqarpoq:

Maleruagassat atuuttut

Erniat 3 % - § 37 naapertorlugu tapiliusaaq
3,10 – Nationalbanken-ip 14. oktober 2024 ernialiusaa
= 6,1 %

Aningaasat akilernerqartussat naatsorsorneqartut
276.577,05 kr.

**Illulioriternernut aningaasalersuineq
pillugu Inatsisartut inatsisaata
allangortinneqarnissaanut siunnersuut**

Nationalbanken-ip ernialiusaaniit Atuisartunut
akigititanut naleqqersuummut, 1 procentpointimik
tapeqartillugu, akilernerqartussat aningaasartaannik
naatsorsuisarnerup allangortinneqarnera.

Siunnersuut

Erniat 1 % - § 37-p allangortinneqarnissaanut
siunnersuut naapertorlugu tapiliusaaq
2,8 – Atuisartunut akigititanut naleqqersuut
= 3,8 %

Aningaasat akilernerqartussat naatsorsorneqartut,
344.347,13 kr.



NAALAKKERSUISUT
GOVERNMENT OF GREENLAND

Naalakkersuisut aamma kommunalbestyrelsit
suliniuteqarnerisigut inissianik attartortittakkanik
piginneqatigiilluni inissianngorlugit allannortitsinermut
naatsorsuinermet assersuutit

Ineqarnermut Attaveqaasersuutinullu
Naalakkersuisoqarfik



Naalakkersuisut aamma kommunalbestyrelsit suliniuteqarnerisigut inissianik attartortittakkanik piginneqatigiilluni inissianngorlugit allanngortitsinermi piginneqatigiilluni inissiaatillit peqatigiiffiannut aamma piginneqataasumut aningaasartuutissat

Piginneqatigiilluni inissiaatillit peqatigiiffiata aningaasartuutissai:

- Pisinermi akigititaq – piginneqatigiilluni inissianut niuerfimmi akigititaq.
- Aningaaserivimmi imaluunniit realkredit-imi taarsigassarsinermut atatillugu aningaasartuutaasimasinnaasut, assersuutigalugu pilersitsinermut imaluunniit allaffissornermut akiliut.

Piginneqataasup aningaasartuutissai:

- Pisinermi akigititap 5%-ianik nammineq akiliuteqarneq.



Naalakkersuisut aamma kommunalbestyrelsit suliniuteqarnerisigut inissianik attartortittakkanik piginneqatigiilluni inissianngorlugit allannqortitsinermi Namminersorlutik Oqartussat kommunillu aningaasartuutissai isertitassaalu

Aningaasartuutit:

- Pilersitsinermut allakkianik maleruaqqusanillu suliaqarnermut, piginnittuunermet uppernarsaammut, nalunaarsuinermet illuummi pilersuinermet piginnittut kattuffiannik pilersitsisoqassappat, eqqartuussissuserisumik ikiorteqarneq.
- Piginnittuunermet uppernarsaammik pisortallu taarsigassarsiarititaannut tunniussinermet naqissusiinermet aningaasartuutit.
- Illunik tuniniaasartooq.
- Qanoq issutsinut nalunaarusiamik suliaqarnermet atatillugu siunnersorti.
- Piginneqatigiilluni inissiaatilit peqatigiiffianni aallarniutissamik akiliinermet atatillugu aningaasartuutaasinnaasut, tassani kommuni imaluunniit Namminersorlutik Oqartussat attartortut sinneruttut pissutigalugit piginneqataasutut ilaalissallutik.

Isertitaq:

- Pisinermi akigititaq:
 - Piginneqataasup nammineq akiliutissai 5% – tigusermet atatillugu tunniunneqartussat.
 - 30-50% piginneqatigiilluni inissiaatilit peqatigiiffiata realkredit-imit imaluunniit aningaaserivimmit taarsigassarsiaannit – tigusermet atatillugu tunniunneqartussat.
 - 45-65 % pisortat taarsigassarsiarititaannit – taarsigassarsiat illuutip tiguneraniit ukiut 30-t tungaanut ernialersorneqaratillu akilersugassaangillat, tamatuma kingorna ukiut 15-it tungaanut taarsigassarsiatut assigiimmik annertussusilimmik akilersorneqassallutik Nationalbanken-ip ernialiusaa 3 procentpointinik ilallugu annertussusilimmik ernialersorneqartumik.



Naalakkersuisut aamma kommunalbestyrelsit suliniuteqarnerisigut allangortitsinermi piginneqatigiilluni inissiaatillit peqatigiiffianut pisortat aningaasalersuinissaannut periarfissat

Piginneqatigiilluni inissiaatillit peqatigiiffia kommuninit imaluunniit Namminersorlutik Oqartussanit pisortat taarsigassarsititsinissaannik qinnuteqarsinnaapput:

- Taarsigassarsiaritit **inissiami inigisap angissusaata 110 m²-ia** tungaanut annerpaamik taarsigassarsiaritinneqarsinnaapput.
- Aningaasartuutit tamarmiusut **20.000 kr./m²** tungaanut annerpaamik taarsigassarsititsisoqarsinnaavoq.
- Piginneqataasut ataasiakkaat aningaasartuutit tamarmiusut **5%-iinik nammineerlutik akiliuteqarlutik** aningaasaliippata aatsaat taarsigassarsititsisoqarsinnaavoq.
- Taarsigassarsititsisoqarsinnaavoq makkua tungaannut;
 - Nuummi aningaasartuutit tamarmiusut **45%-ii**.
 - Qaqortumi, Sisimiuni, Aasianni Ilulissanilu aningaasartuutit tamarmiusut **55%-ii**.
 - Maniitsumi Tasiilamilu aningaasartuutit tamarmiusut **60 %-ii**.
 - Inoqarfinni allani aningaasartuutit tamarmiusut **65%-ii**.

Aningaasartuutit tamarmiusut ilai sinneruttut piginneqatigiilluni inissiaatillit peqatigiiffiata nammineerluni aningaasalersussavai, assersuutigalugu ataatsimoorluni realkredit-imit imaluunniit aningaaserivimmit taarsigassarsinikkut.



Naalakkersuisut aamma kommunalbestyrelsit suliniuteqarnerisigut Nuummi piginneqatigiilluni inissiaatillit peqatigiiffiannut allangortitsinermut assersuut eqqarsaatigineqartoq

Nuummi piginneqatigiilluni inissiaatillit peqatigiiffianni inissiat 6-iupput,
ataatsimut katillugu 486 m²-inik angissuseqartunik:

- Niuerfimmi akigititaq = 9.720.000 kr. = 20.000 kr. / m²

Aningaasalersuineq:

- 45% pisortani taarsigassarsinikkut = 4.374.000 kr.
- 5% piginneqataasunit nammineq akiliutit = 486.000 kr. = piginneqataasumut
ataatsimut 81.000 kr..
- 50% assersuutigalugu aningaaserivimmi imaluunniit realkredit-imi
taarsigassarsilluni = 4.860.000 kr. + aningaaserivimmit imaluunniit
realkreditinstitut-imit pilersitsinermut allaffissornermullu akiliutaasinnaasut.



Naalakkersuisut aamma kommunalbestyrelsit suliniuteqarnerisigut Qasigiannuani inissiamik attartortittakkamik piginneqatigiilluni inissiaatillit peqatigiiffingorlugu allangortitsinermut assersuut eqqarsaatigineqartoq

Qasigiannuani piginneqatigiilluni inissiaatillit peqatigiiffianni inissiat 7-iupput, 600 m²-inik katillugu angissuseqarlutik:

- Niuerfimmi akigititaq 480.000 kr. = 800 kr./m²

Aningaasalersuineq:

- 65% pisortanit taarsigassarsinikkut = 312.000 kr.
- 5% piginneqataasunit nammineq akiliutit = 24.000 kr. = piginneqataasumut ataatsimut 3.428,6 kr.
- 30% assersuutigalugu aningaaserivimmit imaluunniit realkredit-imit taarsigassarsinikkut = 144.000 kr. + aningaaserivimmit imaluunniit realkreditinstitut-imit pilersitsinermut allaffissornermullu akiliutaasinnaasut.



Piginneqatigiilluni inissiamut akitsuut

Ineqarnermut akitsuut, piginneqatigiilluni inissiaatillit peqatigiiffianni ilaasortanit, peqatigiiffiup aningaasartuutaannik akiliinissamat, akilersinneqassaaq.

- Piginneqatigiilluni inissiaatillit peqatigiiffianni aningaasartuutissanut sullissinerup annertussusissaa peqatigiiffimmi assersuutigalugu aputaajaanermut imaluunniit allaffissornermut, tassani allaffissornikkut aqutsisoqarnissaq toqqarneqarsinnaalluni imaluunniit nammineq ingerlanneqarsinnaalluni, tunngatillugu aalajangerneqarsimasoq, apeqquataasussaavoq.
- Tassunga ilanngullugu sillimmasiissutinut, atuinermut akitsuutinut, kiassarnermut aserfallatsaaliuinernullu aningaasartuutit kiisalu assersuutigalugu realkredit-imi imaluunniit aningaaserivimmi taarsigassarsianut aningaasaqarnikkut aningaasartuutit, akilerneqartusssaapput.
- Aningaasaqarnikkut aningaasartuutissat annertussusaannut, piginneqatigiilluni inissiaatillit peqatigiiffiata taarsigassarsiai apeqquataapput.



Nuummi, Naalakersuisut ullumikkut piginneqataallutik, piginneqatigiilluni inissiaatillit peqatigiiffiannut piginneqatigiilluni inissiamut akitsuummumt assersuut

Piginneqatigiilluni inissiaatillit peqatigiiffia 2002-mi allangortinneqarpoq aammalu 8-nik inissiaartaqarluni katillugit 816 m²-inik angissuseqarluni:

- Inissiat 5-inik initallit 4-t, ilanggaaseereernermi angissusaat 115 m².
- Inissiat 4-nik initallit 2-t, ilanggaaseereernermi angissusaat 97 m².
- Inissiat 3-nik initallit 2-t, ilanggaaseereernermi angissusaat 81 m².

Piffissamut 1. juli 2023 – 30. juni 2024 katillugu ineqarnermut akitsuut = 564.753 kr.
Ineqarnermut akitsuut / m² = 692,1 kr.

- Inissiamut 5-inik initialimmut ineqarnermut akitsuut = 79.591,4 = 6.632,6 kr. / qaammammumt.
- Inissiamut 4-inik initialimmut ineqarnermut akitsuut = 67.133,6 = 5.594,5 kr. / qaammammumt.
- Inissiamut 3-inik initialimmut ineqarnermut akitsuut = 56.060 = 4.671,7 kr. / qaammammumt.

Tassunga ilanngullugu piginneqatigiilluni inissiamik piginnittoq nammineq aningaasaliissutissaminik akiliinermut atatillugu taarsigassarsisimaguni, tassunga aningaasartuutit akilertussaassavai.

Nuummi inissiani attartortittakkani Namminersorlutik Oqartussanit pigineqartuni ineqarnermut akiliummut sanilliussineq



NAALAKKERSUISUT
GOVERNMENT OF GREENLAND

Assersuut tulliuuttunik aallaavilik :

- Inissiami ilanngaaseereerluni 115 m2-imi 5-inik initalimmi ineqarnermut akiliutit = 5.922 kr.
- Inissiami ilanngaaseereerluni 97 m2-imi 4-nik initalimmi ineqarnermut akiliutit = 5.057 kr.
- Inissiami ilanngaaseereerluni 81 m2-imi 3-nik initalimmi ineqarnermut akiliutit = 4.289 kr.

	Ullumi ineqarnermut akiliut katillugu	Piginneqatigiilluni inissiamut akitsuummumt assersuut
Inissiaq 5-inik initalik 115 m2-inik ilanngaaseereerluni angissusilik	Atuineq ilanngunnagu qaammammumt ineqarnermut akiliut 5.922 kr. Imermut kiassarnermullu atuineq ilanngullugu ineqarnermut akiliutit = 7.341 kr. / Qaammammumt	Piginneqatigiilluni inissiamut akitsuut = qaammammumt 6.632,6 kr., atuinerlut akiligassat, kiassarnermullu tapiissutissaq ilanngullugit
Inissiaq 4-nik initalik 97 m2-inik ilanngaaseereerluni angissusilik.	Atuineq ilanngunnagu qaammammumt ineqarnermut akiliut 5.057 kr. Imermut kiassarnermullu atuineq ilanngullugu ineqarnermut akiliutit = 6.255 kr. / Qaammammumt	Piginneqatigiilluni inissiamut akitsuut = qaammammumt 5.594,5 kr., atuinerlut akiligassat, kiassarnermullu tapiissutissaq ilanngullugit
Inissiaq 3-nik initalik 81 m2-inik ilanngaaseereerluni angissusilik	Atuineq ilanngunnagu qaammammumt ineqarnermut akiliut 4.289 kr. Imermut kiassarnermullu atuineq ilanngullugu ineqarnermut akiliutit = 5.289 kr. / Qaammammumt	Piginneqatigiilluni inissiamut akitsuut = qaammammumt 4.671,7 kr., atuinerlut akiligassat, kiassarnermullu tapiissutissaq ilanngullugit